



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

De derogatione eorum, quæ impediunt, quo minus quis in
excommunicationes huius Bullæ incidat, & suum effectum consequatur.
Cap. V.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

iufmodi, per aliamue rationem iuribus Sedis Apostolicæ, ac sanctæ Ro. Ecclesiæ tam quæfitis, quam quærendis præiudicium fieri. Si ergo Roman. Pontifex absoluerit excommunicatos per hanc Bullam, non idcirco tamen propositum habet præiudicium facere iuribus iã dictis. Quare qui occupauit bona Sedis Apostolicæ, ac Romanæ Ecclesiæ, quamobrem excommunicatur per hanc Bullam, vt vidimus, esto absoluat, non tamen præiudicium facit Apostolicæ Sedi, quin suum habeat, idque merito, nam qui excommunicatus est alicuius gratia, ad eius interesse tenetur. arg. c. cum desideres. §. fin. de sentent. excom. Si quoque non per absolutionem, sed per alios actus contrarios, quibus videtur præiudicium fieri Sedi Apostolicæ, aliquid fiat, tantundem. Si demum patiat, ac toleret Roman. Pontifex aliquid, non intendit tamen præiudicium fieri dicte sedi. Quare principes, qui retinet loca Ecclesiæ, & non restitunt, esto Roma. Pontifex toleret, & id patiat, fortasse ne bellum moueat, non idcirco tamen præiudicium Sedi Apostolicæ facit, nec ob id dispensare cum dicta bona occupantibus censetur, esto alias patientia, & tolerantia dispensationem aliquando operetur, vt tradidit pluribus id Felin. in c. treugas, de treug. & pac. Immo nec absolutio tributa talia occupantibus proderit, nam vt vidimus in pri-

ma parte huius Capituli absolutio non prodest, qui a delicto non desistunt, quamobrem in excommunicationem Bullæ inciderunt, sed de hoc capite satis, ad aliud veniamus.

De derogatione eorum, qua impediunt, quo minus quis in excommunicationes huius Bullæ incidat, & suum effectum consequatur. Cap. V.

Non obstantibus priuilegiis, indulgentiis, & litteris Apostolicis generalibus, vel specialibus supradictis, vel eorum alicui, seu aliquibus aliis cuiuscunque ordinis, status, vel conditionis, dignitatis, & præeminentiæ fuerint, etiam si, vt præmittitur, Pontificali, Imperiali, Regali, seu quauis Ecclesiastica, & mundana præfulgeant dignitate: Vel eorum Regnis, Prouincijs, Ciuitatibus, seu locis a prædicta sede, ex quauis causa etiam per viam contra-

tus,

ctus, aut remuneratio-
nis, & sub quauis alia
forma, & tenore, ac cum
quibusuis clausulis, etiã
derogatoriis derogato-
riis concessis, etiam cõ-
tinentibus, quod excom-
municari, anathematiza-
ri, vel interdicti non pos-
sint per litteras Aposto-
licas non facientes ple-
nam, & expressam, ac de
verbo ad verbum, de in-
dulto huiusmodi, ac de
ordinibus, locis, nomini-
bus propriis, cognomini-
bus, & dignitatibus eo-
rum mentionem, nec
non consuetudinibus, e-
tiam immemorabilibus,

ac præscriptionibus quã-
tumcunque longissimis,
& alijs quibuslibet ob-
seruantijs, scriptis, vel
non scriptis, per quæ
contra hos nostros pro-
cessus, ac sententias, quo-
minus includantur, in
eis se iuuare valeant, vel
tueri. Quæ omnia quo
ad hoc eorum omnium
tenores, ac si ad verbum,
nihil penitus omisso in-
fererentur præsentibus
pro expressis habentes
penitus tollimus, & om-
nino reuocamus, cæteris-
que contrariis quibuscun-
que.

S V M M A.

- 1 Privilegia quacunque
- 2 Consuetudines etiam immemorabiles
- 3 Præscriptiones quacunque
- 4 Observantia quacunque.

non prosunt, quo minus offendentes hanc
hanc Bullam in eius penas incidant.

IN hoc capite tolluntur, & re-
uocantur privilegia, consuetu-
dines, præscriptiones, & vniuersa

alia, quibus impeditur, quo mi-
nus hanc Bullam offendentes eius
penis comprehendantur, quam

rem

rem ut dilucidiorē habeamus, regulam more nostro ponamus. In has censuras, & pœnas igitur per hanc Bullam latas, eam offendentes, quicumque sint, & quodcumque priuilegium habent, incidunt.

1 Nam primo † regula hæc locū habet, vbi priuilegium, indulgentiæ, & litteræ Apostolicæ generales, specialesve, quibus contra hanc Bullam se tueri possunt, ipsis concessa sunt, ne hac Bulla comprehendantur, tunc etenim cuiuscunque ordinis, status, & qualitatē sint, & ob id vel clerici, vel laici, vel in dignitate constituti, Ecclesiastica, non Ecclesiasticave, & Cardinales, Patriarchæ, Archiepiscopi, Episcopi, alique inferiores Ecclesiæ Antistites, necnon Imperatores, Reges, alique Principes vtri Bullam hanc ostendentes eius pœnis obligabuntur.

Item, vbi priuilegia hæc concessa sunt eorum Regnis, Provinciis, ciuitatibus, locisve aliis, id est ratione suorum locorum priuilegia hæc habent.

Tertio, ex quacunque causa concessa sint, etiam si per contractum, aut remunerationis causa, ob verba illa, Ex quauis causa, et per viam contractus, aut remunerationis, quibus casibus non facile priuilegia reuocantur, sicut ea, quæ per gratiam conceduntur, vt sensit Bal. in l. qui se patris. nu. 12. C. vnde liberi, & Ias. in l. non amplius. §. si certum. nu. 14. ff. de le. 1.

Quarto quacunque forma, ac renore priuilegia concessa sint, ob verba illa, Sub quauis forma, esto igitur motu proprio, qui multum operatur, concessa sint, hic tamen nihil proderunt, sicut nec etiam quibuscunque generalibus verbis concepta. Quinto, quibuscunque clausulis priuilegia munita sint, et si essent clausulæ derogantes iis, quæ ipsis priuilegiis derogarent, vt ex. g. si concessum esset priuilegium, ne quis Bullis huiusmodi comprehenderetur, & in eo esset inserta clausula, quæ derogaret omnibus aliis, quæ derogarent illi priuilegio, ob verba illa. Ac cum quibusuis clausulis etiam derogatoriarum derogatoriis concessis.

Sexto, quamuis dicta priuilegia contineant, quod excommunicari, anathematizari, vel interdici non possunt per litteras Apostolicas, nisi faciant plenam & expressam mentionem, ac de verbo ad verbum huius priuilegii, nec non ordinum, locorum, nominum priorum, cognominum, & dignitatum, ob verba illa, Etiam continentibus, quod excommunicari, &c. idque merito, tum quod nemo potest eam sibi legem dicere, a qua discedere non liceat, tum quod Rom. Pontifex non potest eximere quem a sua potestate, quo minus illum censuris afficere possit, esset enim hic acephalus.

2 Secundo loco † regula hæc locū habet, ut. s. hac Bulla comprehendantur eam offendentes, esto

con-

consuetudines etiam immemorabiles sint, vt. s. censuris irretiri huiusmodi non possint, ob verba illa, Nec non consuetudinibus etiam immemorabilibus, nam consuetudines huiusmodi, quarum memoria non extat, vim pacti, privilegii, ac tituli habent, vt dixit Glos. in c. Super quibusdam. §. praterea. in verficu. non extat memoria, & ibi Abb. num. 8. de verbor. sign. & Ias. in leg. quo minus. numer. 96. ff. de sum.

3 Tertio regula hæc locum habet, ut Bulla hæc comprehendat offendentes quoscumque, etiam si se præscriptisse assererent longissimis præscriptionibus, ne litteris huiusmodi comprehenderentur, ob verba illa, Ac præscriptionibus quantumcunque longissimis, hæc autem sunt, quarum initii memoria in contrarium non extat, & multum operantur, ut sensit Fel. in Rubr. de præscript. num. 8. ver. Fallit tertio, & in cap. cum officii, eod.

4 Postremo regula hæc locum habet, vt Bullam hanc offendentes per ipsam coerceantur, esto asserant obseruantias esse scriptas, vel non scriptas, quibus nituntur probare se his litteris non comprehendi, ob verba illa, Et aliis quibuslibet obseruantis scriptis, vel non scriptis.

Nulla ratione igitur se tueri quis potest, quo minus hanc Bullam offendens ipsius pœnis non coerceatur.

Et ex his habemus amplificationes ad prædicta omnia, ut scilicet Bullam offendentes in censuras ipsius incidant.

Primum privilegium quodcumque quis habeat. Item quæcumque consuetudo extet. Tertio quamuis præscriptio longissima intercesserit.

Postremo, esto essentialis obseruantia, his enim non obstantibus tamen offendentes in pœnas Bullæ incidunt.

Excipio tamen, ubi Rom. Pontifex huic clausulæ derogaret, id enim potest. arg. ea. proposuit. de concess. præb. Sed de hoc capite satis, ad aliud veniamus.

*De modis, quibus ad notitiam omnium
Bulla hæc ueniat.
Cbp. VI.*

Vt verò præsentibus nostris processus ad publicam omnium notitiã facilius deducantur, chartas, seu membranas processus ipsos continentes valuis Ecclesiæ Sancti Ioannis Lateranen. & Basilicæ Principis Apostolorum de Vrbe appendi faciemus, ut ijs, quos processus huiusmodi concernunt, quod
ad